

榆园丛刻

榆

園

丛

刻

縵雅堂駢體文卷五目錄

報孫彥清書

寫觀世音經告文

送譚仲儀之皖序

帶經堂記

送何鏡山之官建州序

與陳藍洲書

與施均父書

厯朝詩錄自序

春游湖上小記

秋舫填詞圖自序

小螺盦病榻憶話序

縵雅堂駢體文卷五

山陰王詒壽眉叔著

報孫彥清書

首春得惠書人事淩襍久缺不報皐皐勞燕東西川陸修阻思而不見亦旣勞止足下驅車冀野解轡大梁尋兔苑之往基溯孝王之故事其亦思浩歌衛風高詠周雅延鄒生召枚叅之風而慨然歎不與古人同時乎汝州假榻縱游嵩岳訪少室之仙迹陟黃蓋之高峰吐納煙靄呼吸青蒼鸞鵠鳳吟天風振蕩又何其豪也春官報罷小住都門以君通悅得失何系惟自儻從北行嚴燠屢易閨中有刀環之盼孺子值宜教之時雖緩鶴未招亦當一脂歸轄耳

僕自從事書局于今三年矣老蠹三生不飽神仙之字秋
兔一束仍同吳市之簫比者楊大中丞復采及微薄屬總
校事竊念校讎之學匪云小道對勘狀其精嚴埽塵喻其
難盡訂隻文之異無證則誣存本來之真闕疑亦貴而世
有淺人昧于古義不識壺盧之本勇于妄改亂點金銀之
車逞其率臆輒成笑柄用是競競不敢少忽秋深夜寒江
館漏永同志三五鐙火參差相與考證異同補拾錯墜往
往寺鐘欲動黃墨未已蓋亦藉以增求古之識破羣言之
惑心乎樂之不爲勞也上冬之杪爰理歸櫟小集娛萱之
圃止宿鷗水之堂勉鉏秋戰新捷意興自勝幼睂高才被
落兼抱騎省之威邕閑無歡容然讀其近所爲詩益進于

婉篤而無浮響倘所爲窮而後工者邪歲云暮矣風雪閉
門聊貢所懷不盡翹結

Blank manuscript page with vertical lines.

寫觀世音經告文

粵自華蓋雲香金塔啟青鸞之刹銀旛花擁玉宮繙靈鷲
之文輝寶月於蓮臺雀離閔其教暢宗風於榆櫟龍樹衍
其源緬惟慧照咸導法航式輸贊唄之誠尤被慈悲之力
伏惟濟世上尊能仁大士顯化在妙莊之國畱迹于落伽
之山紫竹成林卽是貝多之樹玉鉗插柳便成摩歌之花
鰲頭示象安法界于閻浮龍女皈眞扇宏風于巨海宣五
光而普渡運千手以拯人但伸呪願卽種因緣能誦眞言
何羈感應故昔者虎牢戰苦白馬飛來象突山高金師震
吼徹奇輝于水底風雨谿寒消猛火于林中弓刀路隔中
流禪舫神飈吹如鳥之帆午夜香鐙法雨照飛狐之路亦

有星沈貫索白獸開尊雪斷歐刀青螺示寢益陽獄急幻
素羽于鶴屏南宮身危迴兇鋒于狝虜千徧致金雞之放
五道開鐵犴之門加以離狐魂返透珠汗于緇衫紫鼠丹
成滴玉涎于翠竹銀盆湔腑勝龍宮之禁方鐵鑠煉魔問
蛇神其安往凡是沈災之拔竝由持念之誠略陳往事
足證珠林說法之編若數宏慈非徒金剛鳩異之作至若
銀橋老母妙女持幢金坐比丘閭摩合掌雖迹鄰於縹緲
要理推乎固然故冥福之有資亦史傳所附見詒壽五濁
凡根六尺塵質曾參妙諦誦匪代以孝經謬附文人業敢
矜乎夙慧永懷罔極追念慈幃銅罍素萼旣愧子懋之花
寶鏡彤爐復慚敬宣之佛用裁青簡別滌冰甌鵲尾難靈

檀之香犀液調金泥之粉敬寫觀世音經一通伏願春迴
幽室露灑宵途餅浮五彩見普照之光華雲涌千蓮示菩
提而接引倘比瓊宮璇室摩耶登忉利之天敢忘紫磬紺
魚木患轉婆羅之號

送譚仲儀之皖序

歲在焉逢閏茂仲冬之月譚子將以縣令試于皖俶裝貞
言艤棹待行時則江梅垂發煙遂弄寒夕陽滿衣吳舫如
屋送者旣集祖席斯敞其友山陰王詒壽乃起屬之酒曰
行矣譚君勉旃自愛行將綰銅章佩黃綬振絃歌之響爲
民社之官矣以君通才何愧良令竊衡簪海蒙有感焉夫
萬戶作長百里典城勞劇仰承黎元縣命故昔者東里設
操刀之喻元明深飲酒之戒凡以重其任也自軒蓋日盛
清濁遂淆但豔厥官遑計乃職稽其習尙可得而言本謝
學之素優又葳文之無害階緣時會獵取一官將以籌白
檀之餉漁奪是其本懷將以償紫纈之輸興生問其孰利

餓豺之喙一尺黠狐之幻百方丹魄紫裘服翫侈其珍麗
季蛇叔虎僚友較乎瘠肥是謂沓墨其大較也以賊深博
燭奸之名以苛暴爲濟貪之具笞榜百楚儼鼓吹之悅聽
呼譽滿堂置是非于不問凝血棒赤斷骨枷青善族碎于
甌猾而豪強不敢擊愚眦畏若踞蝮而盜賊益以橫是謂
毒螫其尤甚也性本恂慙習爲愉綆非士元之驥足效子
猷之馬曹赤管判事棲塵腐豪黃被放衙午鼓沈夢知慧
蔽于變季教令傳之胥奴目眩黃白之局何心乎亭疑體
被金毳之華有同乎土偶是謂韞蠹乃其次也若此者大
府壅而不聞同列不以爲駮其有一二自好之士清靜之
吏則且非笑之詬病之目爲尙愚標之異黨嗟乎嗟乎所

謂導揚惠字古循吏之風其尙可問哉譚君高字邃器淑
質朗抱甄明經學發揮文章不以之振龍藻于螭頭侍清
問于豹尾乃降心抑首俛仰其中雖曰猿投有林得無鸞
枳致嘅乎然僕之意則有進也者夫置美珵于叢确不能
蝕其光者其質純也伍眾草于瑤芝久亦染其烈者其感
漸也君抱其所學策名王途白璧見賞赤符卽下識辛昂
之達俾行成都知卜式之能便除緱氏庶幾以儒術潤吏
治以文雅道禮化樹居職之表作鄰城之宗或能使黷虐
感其惠風闢茸聞而興起佳乎吏也不其盛與且皖蒙舊
游地也形勝之國冠斗襟江爲魁偉之所棲多名賢之故
治閒嘗詢父老讀銘碣如獨孤賜魚孟宗封鮓翁以篇

什顯游酢以理學傳翟公黃父之清風西谿樅陽之惠澤
竝有遺蹤之可指非徒志乘之僅存君驅車上下當亦流
連往徽遐思芳軌而喟然以慨乎三爵告盡棹歌已發行
矣譚君勉旃自愛爲吾鄘光爲黔赤福江水千里待君好
音

帶經堂記

夫棲心龍祕之府驚精虎觀之奧而不辨桐莛不知鐫鏤
田荒柰何瘞身赤犢之策尚志丹扈之藏而不親筠素不
識墳索學荒柰何揚子雲有言古之學者耕且養三年而
通一經明耕讀之未嘗偏廢也吾友定海黃君元同海岱
清士東南通儒樊重善稼著世門于南陽曹褒定禮傳家
學于慶氏有田一頃擁書百城養沖情于素風衷羣言于
先聖嗣君善學早著鬻籍旣同玄尙克承青箱爰于甲戌
之冬除舍北之隙地構谿南之草堂闢綠杉以爲扉種丹
荔以網壁徑僻迴俗窗虛向陽不崇雕華取適枕蓍君顧
而樂之乃取漢兒寬事顏之曰帶經明所志也爾其煜煜